



Broj: 03-339-21/26

Lipnica, 13.07.2026. godine

Na osnovu člana 69. Zakona o javnim nabavkama BiH (Službeni glasnik BiH broj: 39/14, 59/22 i 50/24), člana 30. Pravilnika o javnim nabavkama roba, usluga i radova u JP RPC Tuzla- Inkubator „Lipnica“ d.o.o., direktor JP RPC Tuzla – Inkubator „Lipnica“ d.o.o. donosi:

O D L U K U **o poništenju postupka javne nabavke**

Član 1.

Poništava se postupak Javne nabavke putem postupka konkurentskog zahtjeva za dostavljanje ponuda za predmet ugovora „Zamjena stolarije na Upravnoj zgradi u JP RPC Tuzla – Inkubator „lipnica“ d.o.o.“ objavljen 15.05.2026. godine na stranici ejn.gov.ba, obavještenje broj: **1112-7-3-158-3-7/26**, kao i u Službenom glasniku BiH 39/26 iz razloga što nije dostavljena nijedna ponuda prihvatljiva prema obliku, sadržaju i potpunosti.

Član 2.

Ova Odluka stupa na snagu danom donošenja.

Obrazloženje

Na osnovu Odluke o pokretanju postupka, broj: 03-339-2/26 od 28.05.2026. godine pokrenut je postupak javne nabavke radova „Zamjena stolarije na Upravnoj zgradi u JP RPC Tuzla – Inkubator „lipnica“ d.o.o.“

Procijenjena vrijednost javne nabavke 28.621,84 KM bez PDV-a.

Komisija za javnu nabavku imenovana Rješenjem broj: 03-339-3/26 od 28.05.2026. godine je zaprimila pet ponuda o čemu je sačinila odgovarajući Zapisnik.

Po isteku roka za podnošenje ponuda 12.06.2026. u 12:00 sati, dana 12.06.2026. godine u 12:30 sati Komisija je sačinila Zapisnik o zaprimanju ponuda broj: 03-339-17/26 od 12.06.2026. godine i ustanovila slijedeće:

Na osnovu poziva za dostavljanje ponuda objavljenog na e-portalu JN, blagovremeno je pristiglo pet ponuda od ponuđača: MEGA-ROLL d.o.o., YAVUZ COMPANY d.o.o., DINAMICO d.o.o., TEMPO PLAST d.o.o. i SI-DESIGN d.o.o..

Analizom traženih i dostavljenih dokumenata na osnovu kojih se utvrđuje postoje li razlozi isključenja ponuđača, utvrđeno je da su ponude ponuđača MEGA-ROLL d.o.o., DINAMICO d.o.o. i TEMPO PLAST d.o.o. ocijenjene kao neprihvatljive i nepravilne iz razloga što ne ispunjavaju zahtjeve u pogledu kvalificiranosti ili zahtjeva iz tenderske dokumentacije, a u vezi sa Zakonom o javnim nabavkama (Sl. Glasnik BiH broj: 39/2014, 59/2022 i 50/2024), te podzakonskim aktima koji su doneseni na osnovu Zakona. Naime, ponuđači su propustili u svojim ponudama dostaviti obaveznu tehničku dokumentaciju ponuđenih prozora traženu u obrascu za cijenu ponude, odnosno šemu stolarije za svaku poziciju koja se nudi sa horizontalnim i vertikalnim poprečnim presjekom svake pozicije sa pripadajućim PVC profilima i staklom u mjerilu M1:1 ili M1:5, originalnu tehničku dokumentaciju proizvođača okova, šeme okivanja za ponuđene dimenzije krila i izjavu o usklađenosti ili odgovarajuću

tehničku dokumentaciju kojom se potvrđuje usklađenost sa BAS EN 13126 za ponuđeni okov.

Ponude ponuđača YAVUZ COMPANY d.o.o. i SI DESIGN d.o.o. ocijenjene su kao neprihvatljive i nepravilne iz razloga što ponude ne ispunjavaju zahtjeve u pogledu kvalificiranosti ili zahtjeva iz tenderske dokumentacije, a u vezi sa Zakonom o javnim nabavkama (Sl. Glasnik BiH broj: 39/2014, 59/2022 i 50/2024), te podzakonskim aktima koji su doneseni na osnovu Zakona. Naime, Komisija je utvrdila da obavezna tehnička dokumentacija ponuđenih prozora traženih u obrascu za cijenu ponude nije napisan na jednom od službenih jezika Bosne i Hercegovine, odnosno nije priložen prevod ovlaštenog sudskog tumača za jezik sa kojeg je prevod izvršen, a sve u skladu sa tačkom 11. tenderske dokumentacije.

Kako su ponuđači propustili dostaviti traženo tenderskom dokumentacijom, to su ponude ponuđača ocijenjene kao neprihvatljive i nepravilne ponude i iste nisu predmetom daljeg pregleda i ocjene ponuda.

Iz navedenog razloga, Ugovorni organ je obavezan poništiti postupak, te je donesena Odluka kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi putem ugovornog organa najkasnije u roku od deset dana od dana prijema ove Odluke.

Direktor JP RPC:

Amira Malkočević, MA, oec

